

Gazte Mugimenduaren Bilgunea

Euskal Herriko gazteen egoera aztertu eta ondorioetan ados jarri dira 100 talde

Udalbiltzari helaraziko dio txostena Gazte Mugimenduaren Bilguneak

Patxi Gaztelumendi / Bilbo

Euskal Herri osoko 100 gazte talde eta kolektibo ados jarri ziren atzo Bilbon Euskal Herriko gazteen egoeraren azterketa-tertik ateratako ondorioetan. Arloka —lan baldintzak, etxebizitza, euskara, irakaskuntza, kirola...— eztabaidatu ostean, txosten oso bat igorriko diote Udalbiltzari, erakunde nazionalak egingo duen azterketa orokorrerako.

EUSKAL HERRI osoa aintzat hartzen duen azterketa, gazteek eginga, izango du esku artean aurki Udalbiltzak. Jarrai eta Gazteriak erakunde egindako eskariari hainbat gazte taldek eta kolektibok erantzun dio.

Sindikatuak, kirol taldeak, emakume taldeak, gay kolektiboak, irrati libreak, gazte kolektiboak, kultureleak eta gazte mugimenduko kide askotarikoek egin dute azterketa.

Egileek azpimarratu zuten, «Euskal Herria bere osotasunean hartu eta diagnostikoa gazteek egin izana da garrantzitsua».

«Gazteek bildurik, gure behar, grina eta premiak agerian utzi ditugu, eta gaz-



MONIKA DEL VALLE

Gazte Mugimenduaren Bilgunea egin zen atzo Bilbon azterketa onartzeko.

teok nozitzen ditugun arazo ugariak» azalaraztea du xedetzat azterketa horrek. Hainbat talde eta kolektibok burututako gogoeta bateratu hori historikotzat jo zuten egitasmoaren ardura-dunek.

100 lagunek osatutako bileran gaiak arloz arlo jorratu zituzten, hamaika arlo orotara. Herrialdez herrialdeko gazteen egoera soziolin-

guistikotik hasita, lan baldintzak, etxebizitza, irakaskuntza, kultura, kirola, komunikazioa, militarizazioa, emakumea, asia eta astia, eta Gay eta lesbianen inguruko kezkak plazaratu zituzten gazteek. Egoeraren azterketa egin ostean, Udalbiltzari eskaera eta neurri zehatzak eskatuko dizkio Gazte Mugimenduaren bilgune honek.

Aurrera begira, bilguneak «aukera berriak» irekitzen dituela ondorioztatu zuten gazteek, eta «lehen aldiz gazteon ahotza bateratu ostean, esparruz esparru osatutako azterketa, euskal gazteon artean zein gizarteko beste eragileen artean hedatzeko» oinarri zabala dutela nabarmendu zuten. Udalbiltzaren esku geratuko da orain gazteek eginiko azterketa.

puntu puntu

Egoeraren azterketa eta proposamen zehatzak

Euskal Herriko gazte errealtatearen diagnostikoa hamaika azpiataletan banatua dago. Hori osatzeko orduan, Euskal Herri osoko 100 bat gazte taldek parte hartu dute. Elkarte eta talde horiek guztiek 60 proposamen helarazi dituzte azterketa osoa egiteko tenorean.

■ **Euskara:** EKBk 1997. urtean herriz herri eginiko kale neurketak ditu ardatz egoera soziolinguistikoa aztertze-ko orduan. Gazteriarren datuak aztertzen ditu, eta Euskal Herri osoko ofizialtasuna eskatzearekin batera, arreta berezia jartzen da irakaskuntzan eta komunikabideetan.

Lan baldintzak: Elkartasunean oinarritutako Euskal Esparrua eraiki behar dela aldarrikatzen du, eta langabezi tasa nabarmena eta prekaritatea aztertzen ditu. 35 orduko lan astea eskatu eta prekaritatearekin bukatzeko neurriak eskatzen ditu. Arreta berezia jartzen du Iparraldeko laborantzan eta gazte baserritarrengan.

Etxebizitza: Gazteek «etxe batean sartzeko duten zailtasuna» ohartuta, etxe hutsen kopuru izugarria eta merkatu libreak etxebizitzaren prezioan dituen ondorioak aztertzen dira. Euskal Herri osorako etxebizitza politika propioa eta bakarra behar dela deritzote, espekulazioa eragoziko duen etxebizitza politika integrala.

Irakaskuntza: Euskaraz ikasteko eskubidea ez dela erres-

petatzen adierazten du agiriak, eta eduki arrotzak eta eredu pedagogiko atzerakoia salatzen ditu.

Kultura eta kirola: Koldo Izagirreraren berbak ekarri dituzte gogora: «Heroi txikien garaia da oraingoa beharbada, giza dimentsioa duten heroiena», eta mundializazioari aurre egiteko kultura askotariko eta kritikoaren beharra azpimarratu dute. Kirolean arreta berezia jarri diote selekzioari eta euskal lizentziari, eta baita herri kirolei ere. Errugbiak, surfak eta mendizaletasunak azterketa berezia dute.

Komunikazioa: Gazteen komunikazioaz ez ezik, gazteek komunikabideetan betetzen duten paperaz jarduten da txostena. Parte-hartzea eta irudia zaintzea eskatzen da. Bestetik, Ipar Euskal Herriko azterketa zehatza dago.

Militarizazioa: Ipar Euskal Herriko azterketa batekin batera, errepresioa eta kontrol soziala ere lantzen dira.

Asia eta astia: Gazteentzako lokalak eskatzearekin batera, mendietako aterpetxe merkeak, ekimen kulturaletarako erraztasunak eta udaletan aisialdi taldeen lana kontuan hartzea eskatu dute.

Nafarroako 24 udaletan eta 32 kontzejuetan hauteskundeak egingen dira gaur

■ Ekainean hautagaitza aurkeztu ez zuten herriak dira

Erredakzioa / Iruñea

NAFARROAKO 25 udale-
tan eta 32 kontzejuetan
hauteskundeak egingen
dira gaur. Joan den ekai-
naren 13an egin ziren
hauteskundeetan hauta-
gairik aurkeztu ez zuten
hainbat herri txikik boz-
katuko dute gaur.

Mahaiak 09:00etatik
20:00ak arte egonen dira
zabalik. Hala ere, beste 20
udal eta 112 kontzejuetan
ez dira egingen, oraingoa
ere ez dutelako hautagai-
rik proposatu.

Udal horietan 5.201 biz-
tanlek izanen dute boza
emateko eskubidea, eta
gehienetan hautagai inde-
pendenteak aurkeztu
dira. Hautagaiak dauden
32 kontzejuetan 16k
batzarra aukeratu dute
(presidentea eta lau ele-
dun). Gainontzeko 16
kontzejuetan, berriz, pre-
sidente bat aukeratu dute
soilik, 50 biztanle baino
gutxiagoko herriak direla-
ko.

**Azpeitiko EHk EAJ
eta EAJ kritikatu
ditu, udal taldetik
kanpo uzteagatik**

Erredakzioa / Donostia

AZPEITIKO Euskal Herri-
tarrok taldeak EAJren eta
EAren jarrera salatu du,
Udaleko taldetik kanpo
utzi dutelako. Dena dela,
EHk igorritako prentsa
ohar baten bidez adierazi
du oposizio «sendoa eta
txukuna» egiteko asmoa
duela.

EHk bi alderdi abertzale-
en jarrera kritikatu du.
«Aukera ederra galdu da
Azpeitian EAJk, EAK eta
EHk, Lizarra-Garaziren
izpiritua jarraituz, adosta-
sunaren bideak jorratuko
dituen Udal bat eratze-
ko. Azpeitiar guztiak orde-
zkatu dituen Udal bat,
azken finean», azpimarra-
tu du oharrean.

EHren irudiko, herrian
«gauzak aldatzen ari dira».
Hori dela eta, Udalean
baztertu zituzten arren,
«herriarren laguntzarekin
gauzak egiten asmatuko
dutela» gaineratu du.